

Pelajar Ekonomi Kewangan UMS Lawat Sambil Belajar di Hong Kong dan Macau

Terakhir dikemaskini: Jumaat, 01 Februari 2019 14:28 | [Cetak](#) | Jumlah paparan: 401

Kongsi 81

Syorkan 81

Kongsi

Tweet

Share



JUMAAT, 01 FEBRUARI - Sekumpulan pelajar Ekonomi Kewangan, Fakulti Perniagaan, Ekonomi dan Perakaunan, Universiti Malaysia Sabah (UMS) mengadakan program lawatan sambil belajar ke Hong Kong dan Macau, baru-baru ini.

Pengarah program, Sal Farhannishah Abd Rahman berkata, program yang turut dikenali sebagai Global Outreach Program itu antara lain bertujuan memberi pendedahan kepada pelajar tentang dunia luar serta perbezaan budaya dan ekonomi antara negara.

“Dalam program ini, para pelajar telah berpeluang melawat Universiti of Hong Kong, Hong Kong Monetary Authority (HKMA) Currency Museum dan Universiti of Macau.

“Kami juga dapat melihat sendiri kemudahan universiti, suasana kampus serta berinteraksi dengan pelajar di universiti-universiti yang dilawati,” ujarnya dalam satu kenyataan hari ini.

Menurut Farhannishah, pelbagai pengetahuan telah ditimba sepanjang empat hari tiga malam program itu berlangsung.

Beliau berkata, antara yang menarik termasuklah kunjungan ke HKMA Currency Museum yang memberi kefahaman mendalam tentang sejarah dan fungsi HKMA sebagai autoriti kewangan kepada Hong Kong yang juga merupakan antara pusat kewangan antarabangsa terpenting di dunia.

“Program ini telah memberi pelbagai manfaat kerana mendedahkan kami kepada suasana kehidupan, pembelajaran dan ekonomi luar negara,” jelasnya.

Dalam pada itu, Pensyarah Kanan Program Ekonomi Kewangan FPEP UMS, Dr. Rafiq Idris berkata, program tersebut memberi pendedahan antarabangsa kepada para pelajar di samping membina keyakinan dan keupayaan dalam teknik berkomunikasi.

“Program sebegini juga mampu membuka mata pelajar tentang budaya asing, kerancangan ekonomi di negara luar dan melihat bagaimana sektor-sektor tertentu seperti pendidikan dan pelancongan menyumbang kepada pendapatan sesebuah negara,” jelas beliau yang turut mengiringi rombongan pelajar sepanjang lawatan itu berlangsung.